

節已成佛道如來至真時四天王各持執鉢
奉上如來如斯剎土一四方城三千大千世
界爲中國土大千國土各有百億諸四方城
四百億四大天王皆各執鉢往授如來如來
悉受佛顯威神使諸天王各不相見各自心
念佛受我鉢當以飯食以此忻喜心中坦然

咸發無上至真道心至不退轉佛以成道提
謂波利五百賈客佛欲度之現車馬頓賈客
伴黨及餘而不自前惟之所以天於虛空告
言佛興在世可往供養聞之忻然各上蜜麯
醍醐八萬四千諸天子衆亦貢供餚如來受
之其本宿世曾建至願如來成道我等第一
進奉供餚欲遂本願各不相見不知所在一
一各念獨供養佛餘無進者以是忻豫逮不
退轉然後當得無上正真之道爲最正覺度
衆危厄

大寶積經卷第十一

十五

師一

大寶積經卷第十二

密跡金剛力士會第三之五

西晉月氏三藏竺法護譯

師二

余時密跡力士謂寂意曰菩薩往詣佛樹以
成佛道如來至真未轉法輪開導衆生巍巍
如是所化無量多於初發行道時心及坐佛
乙

樹所濟衆生豈可訾哉以故知之當作是觀
若有菩薩坐在法牀疾近無上正真之道所
度衆生益復加倍適成佛道妙玄梵天王與
六十八萬億垓百千眷屬圍旋往詣佛所誓
首足下右遶七匝側住佛前勸助世尊惟垂
大哀轉于法輪宣布道化多有衆生應在法

淳淑上市倫友劈裂上普車釤一鐵威瓦車釤車赤糞草也補衣上之灰
予啖失卒反蘿菔上郎何反若芋子遇反蕪菁上音無食鋪
步菜茹而妻音反淳漣都弄反跳上上撻反謙恪苦各反退者麤
犧塲瓊奇上古吉辟樹上蒲當觸古云當觸反曾胸音

器聞佛說法能解受行如是寂意妙式梵天王勸助如來使轉法輪懇懃若茲住在佛前本宿所願得見天尊其一天王名提頭羅彌諾與其子俱勇出本誓我當普勸賢劫千佛一切如來使轉法輪欲知妙式梵天王獨勸助佛使轉法輪乎莫作是觀也所以者何與十

億梵衆眷屬俱十億天帝及十億百千垓諸菩薩衆勸助如來使轉法輪世尊適然當轉法輪妙式梵天王詣波羅柰鹿苑之野神仙所遊布師子座高三千二百八十里若干種品文飾微妙衆珍嚴校妙式梵天王適爲如來布師子座其十億梵天十億天帝十億百

千兆垓諸菩薩亦爲世尊布師子座高廣俱等各自心念如來當坐我師子座轉于法輪密跡力士謂寂意言爾時如來詣波羅柰鹿苑之野神仙所遊坐師子牀梵釋四天王及諸菩薩各自心念如來獨坐我師子牀如來適坐師子牀已應時十方無限佛土六反覆

動余時世尊以無極界三昧正受即時三千世界皆悉平正等如手掌此三千大千世界地獄畜生若在餓鬼天上世人普獲安隱一切衆生無姪怒癡消三毒病清淨無塵惹心相向如父如子如母如女十方無限諸佛世界不可計數諸菩薩來聽佛說經三千大千世界大神無極諸天龍神捷沓和阿湏輪迦樓羅真陀羅摩休勒人若非人皆詣佛所欲聽經法諸來會者皆遍充滿於此三千大千世界無如毛髮空不周者皆共同心飢虛於法悉欲贊頴咨受大道於時世尊見大衆會皆來雲集請轉法輪爲諸沙門異學梵志諸天魔王上梵天王及其世俗宣布正法又有寂意于時如來適轉法輪隨時之宜從衆生心各令得解因其雲集各各爲宣宿本所習令心開達悉遵法行如來至真適說斯法爲重分別拘隣欲知眼悉無常了眼無常則隨律業計眼有常不喜無常聞眼無常眼

苦毒痛計眼吾我不好無身了無吾我以聞
於眼無有吾我乃隨律教解其音響眼如幻
化野馬水中之月如夢已覺猶若形影山中
之響隨此律教乃奉行法空無相願其眼無
行惔怕寂寞聞眼靜默眼從緣起以聞緣起
耳鼻舌身心亦復如是皆歸無常以聞無常

解意爲苦覩無吾我寂然惔怕空無相願用
不達故從因緣起五陰無常其計有陰不了
無陰雖說諸種悉歸無常以得聞說諸種無
常心無所著心得聞說五陰無常悉解空耳
計有諸入不解諸入無常之誼以聞諸入歸
於無常五陰諸入四大諸種亦復如是聞四
意止四意斷四神足念五根五力七覺八品
道行以得聞是三十七品解無常空若聞寂
然班宣道法乃隨律教若聞所觀其可聲聞
不樂緣覺樂聞緣覺不志聲聞若慕二乘不
說大乘若宣大乘聞其義趣不好聲聞緣覺
之辭如是寂意如來以斯隨衆生心所可愛

樂而轉法輪各令得所如來以是爲衆生講
轉于法輪時者年舍利弗於百千歲思惟本
行道義所入處不能限知何況於餘衆生無
底時佛說是菩薩苦行莊嚴道樹降伏魔官
轉法輪時八萬四千人皆發無上正真道意
今時密跡金剛力士前白佛言唯然大聖我
向所宣如來祕要將無違失毀謗如來儻不
順法如來祕要甚爲玄妙廣大無際一切世
間所不能信下劣雖說如來祕要心自憶之
如來至慧入我身中非我威勢聖猛之力佛
言如是如密跡言如來道慧所入至處莫不
蒙安敢佛弟子班宣經典皆承如來威神聖
旨以入如來空法之身道慧玄妙靡不通達
所以者何欲使衆生奉承建立如來聖旨宣
柔順義未之有也鄉審真諦承如來慧得無
所畏今演斯法所云真諦正謂此法所以者
何所謂正諦去來今佛普世布信靡不篤樂
其行無上正真之道假使班宣此經典要如

法不違皆當成佛若有聞說是如來祕要經法之典而信樂者斯等之類普世一切皆信敬之設使有人以頂若肩戴湧彌山在虛空中是事尚可無德之士不能堪任聞是經典既聞不信不能愛樂況復受持諷誦講說未之有也若聞是經受持諷誦爲他人說前世

宿本以曾供養無央數億百千兆載諸佛世尊斯等正士植衆德本志存大乘受決無疑何況至真能奉行者爾時寂意菩薩前白佛言唯然大聖所云寂然惔怕之義爲何謂也佛告寂意所云寂然惔怕義者謂消塵勞惔怕衆穢以消塵勞尔乃名曰去於貪欲衆想

希望以去欲想便無所思以無所思便不著界以不著界便無報應因緣之對以無報應因緣之對便無無明所有恩愛以消無明所有恩愛便消吾我以無吾我便消名色以無名色便消斷滅計常之業以無斷滅計常之業便消貪身佛告寂意諸因緣報隨於諸見

一切諸所受法五陰六入塵勞之患以無貪身無有五陰塵勞諸患唯然大聖不斷貪身故有吾我佛告寂意住吾我故不斷貪身住人壽命故不斷貪著其所見者不住內外諸見無處一切所至永無所見以無所住見慧無所住是則名曰斷貪身見貪身悉空以能解空柔順法忍不受彼見己身無想悉無所行無生無起亦無所與乃名之曰柔順法忍不受諸見是斷貪身寂意欲知若不貪身解脫身無身何謂無身身四大成本亦無名以了是者意解虛偽故曰不真而不可得皆不由真妄想而興若無所求不懷妄想不迷不

惑不作不住若無所住則無瞋諱其無瞋諱乃曰寂然爲行惔怕何所消滅名曰寂然消衆因緣乃曰寂然所以者何從其因緣令心熾然以無因緣則無熾然猶如寂意從其緣對而生有火兩木相揩因火然熾無對無火則不然熾如是寂意從其緣對令心然熾以

師二

五

無緣對則不然熾又彼寂意菩薩大士以權方便曉了隨時消滅因緣而不消滅衆德根本不興塵勞因緣之對興發諸亂諸度無極棄捨魔事衆邪之業不捨諸佛道行緣業捨因泥洹不捨道業三十七品心不志樂聲聞緣覺不捨菩薩至真道意用觀空無以興大

哀察衆因緣以無相緣宣講至德不以妄想失乎道心以無願緣厭於三界因對諸對惟無生緣不捨所生無猶豫緣因諸所行修其德本入道業行是爲菩薩權智入淨逮得自在無常緣哉不厭生死而得自由無所畏故有苦緣哉建立衆生存滅度安使得立故無

我緣哉建立愍心安於衆生行大哀故虛無緣哉心得八正如來淨身故緣欲行哉爲諸貪愛病清淨藥故班宣其法哉令心堅住故緣瞋恚哉使衆怒行宣慈心藥志往無病故緣愚寘哉爲衆癒行施十二因緣藥治其心病使不動移故等分緣哉等於三事化衆生行建立其心講無常藥故緣無欲哉心以存立化開聲聞故離瞋恨哉使心得立緣覺之乘故離愚寘哉開化其心立乎大乘故色像緣哉其心等住遠得如來像身故緣音響哉心以住在如來言聲故緣衆香哉心以存立如來戒勲故緣衆味哉心以住在如來道味故緣大人相哉心行以住得莊嚴故緣細滑哉心以存立得於如來手足柔軟故緣經法哉心以住在遠得如來無所生意故緣布施哉心以住在相好具足故緣持戒哉心以存在佛土嚴淨故緣忍辱哉心以住在遠梵音響故緣精進哉心以存立度於衆生故緣禪

思哉心以住在興大神通故緣智慧哉心以存立斷衆邪見六十二疑墨礙之網故緣慈心哉心以住在等志衆生而不懷害故緣愍哀哉心以存立救濟衆生故緣喜悅哉心以住在好樂聽法故緣於護哉心以存立棄捨衆結危厄之患故緣四恩哉心以存在開導

師二

六

衆生故緣貪恚哉心以存立一切所有訓施衆生故緣犯惡哉心以存立如來戒品清淨行業故緣諍穢哉心以住在如來忍諍故緣怨害哉心以存立如來十力四無所畏故緣亂憤哉心以住存遠佛三昧故緣邪智哉心以存立無所罣礙智度無極具足衆生故緣

師二

七

下乘哉心以住在積功累德志好大乘故緣順應哉心以存立志和安然不犯衆惡一切非宜故緣惡趣哉心以住在救護一切衆生惡趣墮八難故緣諸天哉心以存立解諸合會皆當別離故緣衆人哉心以住在一切妙善故緣念佛哉習見諸佛故緣念佛哉心以

存立奉行道法捨無益宜故緣念衆哉逮致便御不退轉法故緣施與哉心以住在不捨衆生故緣禁戒哉具足所願故緣念天哉心以存立備悉功德一生補處故緣身行哉逮致佛身故緣口言哉心以住在致佛言教諸經典故緣其心哉心以存立獲乎佛意故緣

有爲哉心以住在積功累德具足自剋故緣無爲哉心以住在聖慧具足故如是寂意不以無緣化至道乘皆由緣心得至佛道導一切智若有菩薩皆由緣故導一切智是爲菩薩善權方便皆由見諸法悉懷來導猶如三千大千世界舍受土地十方衆生草木五穀諸水河海毛髮之形靡不包之一切咸仰而得生活如是寂意一切衆緣皆由菩薩善權方便行最第一衆行之英至一切智猶如衆色諸現形貌皆有四大菩薩如是執權方便所造行緣皆至佛道所以者何一切衆生所興殃罪爲無反復菩薩緣是行施度無極輒

能具成戒度無極若人瞋恚心懷毒害於時菩薩行忍度無極尋時充備進度無極若見衆生在於憤鬧不能安心緣是菩薩行禪度無極忽以具成智度無極若有衆生存在諸蔽立冥冥室窈昧之厄菩薩爲斷衆縛罣礙衆結之網若有衆生能勤修業便爲消除一

切所著有求咨嗟誓首歎之示其自歸喜誹謗者亦隨順意令不起心若見勤苦被無數惱菩薩則時爲興大哀見在安者則以大悅而救攝之菩薩隨時若見剛強難化之類開訓導示興發覺意見仁和人菩薩在彼修治至業發起道心若有衆生力勢在緣菩薩則隨興顯將護發其道心若有力士報應業行菩薩尋順攝取訓誨顯起道意是曰隨緣而得自在菩薩隨順善權方便曉了衆生應時宣法在報應力志欲愛慕開化剖判各使坦然勤進大道聖慧爲論深遠無逮之義其存側慧廣爲敷演至真之道漸爲班宣示斯道

因解別章句以一句法暢若干慧樂哀然者因爲分別普觀一切好於觀者以觀解脫三昧定意講說禁戒不可究竟復爲宣講地獄餓鬼畜生以聞其法爲解無常無救護事使求道護若有定意爲論慧度慕在閑居因行化之靜身口心知限足者顯發智根聖賢之

業在於自大愚冥之思當爲宣布勤學博聞好貪欲者示其不淨無益之患喜於瞋恚勸發慈心不懷危害若有愚惑顯化其心十二緣起生死之法其存等分爲演無常苦空非身勤志色欲各化不淨仁慈至無解愚冥者爲誨瑕穢緣起之事或作諸見因其決了空

師二

八

無之慧其懷希望演無想行志存要誓訓以無願訓慕諸蓋剖析諸陰想如幻化虛偽不真貪著諸種爲了四大十八諸種猶如形影行照而現其倚衰入講說諸入内外十二皆非我有猶夢所覩覺不知處其依欲界爲人分別暢說一切萬物皆歸無常若特色界數

演一切衆生行悉苦惱根設怙無色界宣在
道教一切諸法而無吾我難化之人常令勤
習賢聖之法易安化者當爲開示無極之辭
志存天人欲往心據咨嗟戒品清淨無垢樂
聲聞乘旨示四諦苦習盡道若慕緣覺乘則
爲開示十二緣起以癡爲本學大乘業因其

流布六度無極四等四恩而訓導之初發心
者觀其志性而訓喻之備悉衆行不歟生死
示以無難令立不轉爲不退轉者因分別說
佛土清淨一生補處菩薩大人顯示至真佛
樹道場如是寂意若有菩薩逮得自在從其
緣化所宣道法無有罪疊以善言辭可悅衆
生說是語時有一萬人發無上正真道意五
百菩薩皆悉逮得無所從生法忍時彼衆會
有諸菩薩各心念言密跡金剛力士久如當
逮無上正真之道爲最正覺得佛道時所號
爲何其佛國土嚴淨功勳爲何等類諸菩薩
衆成就云何尔時世尊知衆菩薩心念本末

尋時即笑無央數億百千光明從佛口出照
於十方無限世界蔽日月光蓋魔宮殿光還遶
佛無央數市從頂上入時寂意菩薩即從座
起偏出右臂又手禮佛以偈歎佛而問笑意
巍巍猶紫金妙光捨衆垢意寂然堅住
如日在虛空其光大盛明悉消諸幽冥
今所以顯現人中尊宣之惔怕如蓮華
生立淤泥中其莖根在水稍長無垢穢
功勳甚馨香何故而欣然
慈愍日增益意念轉廣遠唯安住說之
蠲去諸闇冥其意慧求安寂然以柔和
消除衆垢穢以智慧光明
安住如蓮華棄捨衆狐疑
加哀修道場奉行得自在口面演光明
乾竭衆愛欲開化於衆生令其眼清淨
安住消逆賊除去衆瑕疵曉了生死元
衆生之性行以訓覺所有諸天世間人
一切普衆會觀大聖顏貌
唯爲分別說

佛告寂意菩薩見密跡金剛力士平白曰已見世尊佛言是密跡金剛力士已當供養賢劫諸如來衆將護正經受而持之導利開益無量衆生從是沒已生阿閻佛土在妙樂世以生彼土其阿閻佛爲諸菩薩宣千八百印皆當遠是歸於道義往反周迴然後來世見

不可計無數如來誓首自歸淨修梵行然後來世過此劫數積累德本遠致無上正真之道成最正覺以得至佛號金剛步出現於世如來至真等正覺明行成爲善逝世間解無上士道法御天人師號佛世尊世界曰普淨劫曰嚴淨又彼寂意普淨世界神妙豐熾安

隱五穀卒賤自然無價衆民滋盛天人甚多合以七寶金銀琉璃水精碑礪瑪瑙珊瑚真珠以成佛土地有八交道平等若掌其地柔軟如天綻綻如兜率天被服飲食宮殿屋宅園觀浴池校露樓閣其佛國土巍巍如是諸天人民自然顯發如天妓樂懸諸綵幡豎好

師

十

幢蓋燒衆名香雨衆寶華遍散其土上虛空中羅列衆蓋和雅妓樂其佛國土無有惡趣三苦之毒亦無八難不閑之處所有諸業如兜率天被服飲食宮殿園觀校露樓閣等無有異天人不別諸天人民皆慕微妙唯志佛道又其佛土無有二乘無有聲聞緣覺之名

純諸菩薩其如來尊宣不退轉菩薩大法其金剛步世尊諸菩薩衆不可稱計無能限量億百千載其佛國土無有惡性痘疾之行無有毀戒墮邪見者此國土人皆至究竟好慕佛法無有盲聾瘡瘻癱瘓性行和雅悉二十八相莊嚴其身又其如來現在世時壽八小劫其諸天人臨欲壽終如來至真常爲講法演身光明皆照三千大千世界時諸天人蒙斯光明悉決衆疑歎法隨佛各心念言當往詣佛咨受經典或以己身神足之力往詣佛所或有學人承佛聖旨往詣佛所佛住虛空去地百千仞在其世界於四衢路周一大座

告於十方可悅一切諸來衆會以如來辭爲諸菩薩敷演經道唯宣大乘無極大道其佛國土無有一人違逆世尊教亦無誹謗罵詈毀辱者一切衆生諸根明利其慧通達土無君王唯佛世尊以爲法王其土人民無有吾我無受業處悉無我所不主田宅諸天人民

師二

士

皆悉如是其金剛步如來至真所欲受食以愍傷故先宿晡時現佛身像著衣持鉢住其門前其家則知便心念言佛愍念我欲就我食即夜莊嚴施設牀座清淨布具甘美供膳若干種味明日早往日時以到佛與聖衆往入其舍飲食畢訖行澡水竟佛爲施家隨時說經其人逮得不退轉法當成無上正真道已乃爲說訖佛從座起還歸精舍若佛宴坐在於靜室時諸菩薩各從本行所逮三昧而自修已如是寂意其佛世界功勳快善無量巍巍殊特如是土地嚴淨普平博好快不可量佛說是經法授密跡金剛力士決時應時

會中二萬人皆發無上正真道意諸來會者各各心念願生其土佛即記說金剛步成佛道時諸願見者皆生彼土其佛授決亦皆當成無上正真之道爲最正覺尔時密跡金剛力士從佛聞斯所授決已歡喜踊躍以持金剛投之虛空適投空中應時三千大千佛土六反震動光照十方天雨衆華紛紛如雪瑩簇樂器不鼓自鳴一切衆會各在右手自然有華香若干種品幢蓋衆飾各執持行於時密跡金剛力士以寶華香幢蓋繒幡周而遶佛以偈歎曰

廣法普自在

法藏不可盡曉了分別法

導利益衆生以付授我義常樂以法施極奉行正法住道願自歸智慧能清淨明了所行業其名聞三世功勳度無極其智通三處能仁無所著以度衆墨礪班宣快濟厄清淨猶月淨顏貌甚鮮明喻於日火光其音殊妙好

和聲喻梵天 宣布於愍哀 誓首衆生寶
自顯現其身 示有形壽命 惟願班宣法
演布文字音 雖講說經法 亦無有法想
度脫於衆生 亦無有人想 出尊所開化
誰能報佛恩 設一切衆生 積行無量劫
唯啓受佛教 志不在餘業 己身能奉行

師二

士

復化他人衆
於時密跡金剛力士遶佛衆會竟七帀已手
執衆華及與寶蓋供上散佛適供散佛應時
四天下一切方域自然化生若干品華莊嚴
校飾八重交道八味池水承佛威神靡不周
遍巍巍難限爾時寂意菩薩問密跡金剛力
士如來以授仁者道決答曰族姓子以見授
決所受道決自然如夢又問仁者受決爲何
所逮答曰族姓子所受決者爲無所逮又問
何所不逮答曰不逮吾我不得人壽命不得
五陰六衰四大不見現世度世之業不逮諸
罪及與不罪無漏不漏塵勞瞋恨有爲無爲

生死無爲悉不逮是此族姓子乃曰受決寂
意又問設無所逮誰爲受決答曰無所逮者
乃曰爲逮又問若無吾我誰爲受決誰授決
者答曰其有受決及授決者適俱平等本際
無二又問密跡若無本際彼誰受決答曰本
際無生亦無所滅無有二際以是本際今日

受決又問住何本際而受決也住於自然無
二本際無我本際無人壽命住於自然乃曰
受決又問吾我本際住在何所答曰如來所
住又問無所識知爲何所知答曰其所識知
爲無所知又曰若無所告語爲無所語又問
設無所語爲何所教答曰教無所教又問何

師一

十三

謂教無所教答曰一切諸法悉無所教又問
說無所教云何知之答曰設無所教所知若
斯又問云何教所知答曰不問所知又問云
何不問所知答曰識無放逸又問何謂識無
放逸答曰自歸要誼又問何謂自歸要誼答
曰不見無誼又問何謂不見無誼答曰不以

於誼亦非無誼乃曰爲誼又問何謂不以於誼亦非無誼乃曰誼乎答曰其不以誼亦非無誼彼則道誼又問若以無誼不成法義乎答曰其法義者云何義乎所以者何其趣義者則爲非法不成爲法又問何謂爲法答曰法無音響乃曰爲法又問法無音響何謂爲

法答曰其於彼法無有文字乃曰爲法其無所得彼法無音無有言辭又問密跡何謂所達答曰族姓子如所可逮是乃名曰一切無逮離於所得又問密跡是曰我所逮得如來其習諸法乃能逮得又問豈能寂然吾我之心一切所宣智慧之明因其文字宣如來業

不以無逮不以當逮又問其所逮者何所不可答曰口之所說爲不可也又問口之所說心倚文字則爲不可又問何謂爲可答曰其無所逮彼無所教其無所教知則不自知不知他人其不自知不知他人乃曰爲可又問不可誰爲是本可誰爲是本答曰所受是本

是曰著本於是諸著而無所慕乃曰無著是爲寂意諸恩愛結求於所著永無所著諸佛世尊爲班宣法重說是法授密跡金剛力士決時五百比丘衆漏盡意解二百菩薩得無所從生法忍

稟

師二

大寶積經卷第十二